

مصطفى خليل : ثلاث مصائب اقتصادية ويجب أن يواجهها السيسي



الأربعاء 14 أكتوبر 2015 12:10 م

كتبها : مصطفى خليل - عبر فيسبوك

فيه النهارده ثلاث أخبار اقتصادية مهمة أولًا بيانات إيرادات قناة السويس المحتجة ظهرت أخيرا وتشير لانخفاض ٩٪ في شهر أغسطس مقارنة بالعام الماضي وده دليل رسمي قاطع على ان السيسي كان بيكذب لما قال قبل كده ان كان فيه زيادة في الحركة! ودليل أكبر على أن المشروع العملاق المكلف جدا ده مش هيجيب أي أرباح في المستقبل المنظور ومش هيقدر حتى يسد فوايد الدين اللي اتعمل بيه!

ثانيا فيه أخبار عن ضربيتين جداد يضافوا على ما تم فرضه الأسبوع اللي فاتت ضريبة على مصاريف التعليم والعلاج الخاص، وضريبة على ١٥٠ سلعة مستوردة مما تعتبره الحكومة كماليات زي المكسرات والحلويات وبعض الأجهزة المنزلية! وده يدل ان الحكومة بتستومت في لم الفلوس بأي شكل!!

وأخيرا فيه خبر عن وصول مستوى الدين الخارجي في مصر لأعلى مستوياته من ٢٤ سنة يعني من ساعة ما نادي باريس شال نص ديون مصر بعد حرب الخليج الثانية يعني احنا رجعنا كده رسمي لمستويات أزمة الديون بتاعة الثمانينات!

البلد فعلا بتغرق، وواضح ان احنا قرنا جدا من الانهيار الكامل بقينا أقرب إليه من أي وقت قبل كده واضح كمان ان اللي بيحكم معندوش حل غير لم الفلوس من الناس بالضرايب، وده طبعا مش حل، فالمتوقع دلوقتي ان سيادة الرئيس المنقذ اللي مكالوش برنامج واعتمد على ثقة الناس في الجيش عشان يحكم انه يتحمل مسؤولياته ويطلع يتكلم معنا كده ويفهمنا هو ناوي يعمل ايه في المصيبة دي اللي هو سبب مباشر فيها لأن احنا كده خلاص السواق نط من العربية، والفرامل ساوية والحيط بقى قدامنا عطلول!